



---

**Comhaid Idirinstitiúideacha:**  
**2022/0407(CNS)**  
**2022/0410(NLE)**  
**2022/0409(CNS)**

---

**14964/24**  
**ADD 1**

**FISC 209**  
**ECOFIN 1204**

## **NÓTA**

---

ó:	Ardrúnaíocht na Comhairle
chuig:	Coiste na mBuanionadaithe/An Chomhairle
Ábhar:	An pacáiste maidir le CBL sa Ré Dhigiteach: (a) Dréacht-Treoir ón gComhairle lena leasaítear Treoir 2006/112/CE a mhéid a bhaineann le rialacha CBL don ré dhigiteach - Cur chuige ginearálta (b) Dréacht-Rialachán ón gComhairle lena leasaítear Rialachán (AE) Uimh. 904/2010 a mhéid a bhaineann leis na socruithe comhair riaracháin CBL is gá don ré dhigiteach – Comhaontú polaitiúil (c) Dréacht-Rialachán Cur Chun Feidhme ón gComhairle lena leasaítear Rialachán Cur Chun Feidhme (AE) Uimh. 282/2011 a mhéid a bhaineann le ceanglais faisnéise le haghaidh scéimeanna áirithe CBL – Comhaontú polaitiúil = Ráitis

---

Iarradh go gcuirfí na ráitis seo a leanas isteach i miontuairiscí an chruinnithe a bhí ag Coreper an 30 Deireadh Fómhair 2024 agus i miontuairiscí an chruinnithe a bhí ag an gComhairle an 5 Samhain 2024.

## **Ráiteas ón gComhairle agus ón gCoimisiún**

‘Maidir le hAirteagal 14(4) de Threoir 2006/112/CE: Tá sé socraithe ag an gComhairle agus ag an gCoimisiún measúnú a dhéanamh ar an ngá atá leis an sainmhíniú ar ‘ciandíolachán earraí a allmhairíodh ó thríú críocha nó tríú tíortha’ a leathnú chuig soláthairtí earraí ó stórais chustaim san Aontas i gcomhthéacs na caibidlíochta atá ar na bacáin i dtaca leis an togra maidir le raon feidhme IOSS (tairseach EUR 150), agus na héifeachtaí a d’fhéadfadh a bheith ag an leathnú sin ó thaobh imghabhála agus calaoise de á gcur san áireamh.’

‘Maidir le hAirteagal 262 de 14961/24: Tá sé socraithe ag an gComhairle agus ag an gCoimisiún measúnú a dhéanamh ar an ngá atá le neartú a dhéanamh ar an gcreat comhair riaracháin CBL chun a áirithiú go ndéanfaidh na Ballstáit a bhaineann úsáid as an rogha dá bhforáiltear faoi Airteagal 262, mír 1, fómhír 2, lena gceadaítear faighteoirí earraí agus faighteoirí seirbhísí a eisiamh ón oibleagáid na sonraí maidir leis na hidirbhearta trasteorann sin a thuairisciú, go ndéanfaidh siad faisnéis thráthúil a chur ar fáil do Bhallstát an tsoláthróra nuair is gá. Bunaithe ar an measúnú sin, déanfaidh an Coimisiún, i gcás inarb iomchuí, togra reachtach a thíolacadh.’

## **Ráitis ón gComhairle**

‘Maidir le hAirteagal 59c de 14961/24: Iarrann an Chomhairle ar an gCoimisiún athbhreithniú a dhéanamh ar mhéid agus ar raon feidhme na tairisí a leagtar síos in Airteagal 59c de Threoir 2006/112/CE laistigh de 5 bliana ó theacht i bhfeidhm na Treorach seo.’

‘Maidir leis an ionad éigeantach ilfhreastail allmhairiúcháin: Leanfaidh an Chomhairle den obair ar ghnéithe eile den togra a mhéid a bhaineann leis na dreasachtaí chun úsáid a bhaint as an ionad ilfhreastail allmhairiúcháin faoi chuimsiú na caibidlíochta maidir leis an Togra le haghaidh Treoir ón gComhairle lena leasaítear Treoir 2006/11/CE a mhéid a bhaineann le rialacha CBL a bhaineann le daoine inchánach a éascaíonn ciandíolacháin earraí allmhairithe agus cur i bhfeidhm na scéime speisialta le haghaidh ciandíolacháin earraí a allmhairítear ó thríú críocha nó ó thríú tíortha agus socruithe speisialta maidir le CBL ar allmhairí a dhearbhu agus a íoc (comhad idirinstiúideach 2023/0158 (CNS)) d’fhonn teacht ar chomhaontú a luaithe is féidir.’

‘Maidir leis an teacht i bhfeidhm: Aithníonn an Chomhairle na dúshláin a bhaineann le cur chun feidhme an chórais nua tuairiscithe ó thaobh TF de d’údaráis chánach agus do dhaoine inchánacha, go háirithe FBManna. Dá bhrí sin, moltar cur chuige céimnithe i ndáil le ríomhshonrascadh a chur chun feidhme go háirithe do na Ballstáit a thugann ceanglais maidir le tuairisciú digiteach isteach le haghaidh féinsoláthairtí agus soláthairtí earraí agus seirbhísí a dhéantar idir daoine inchánacha laistigh dá gcóir. D’fhéadfadh na Ballstáit foráil a dhéanamh maidir le céimeanna leantacha i gcur chun feidhme na hoibleagáide ríomhshonraisc a eisiúint le haghaidh idirbhearta intíre, seachas iad siúd a chumhdaítear leis na ceanglais trasteorann maidir le tuairisciú digiteach, bunaithe ar mhéid na ndaoine inchánacha lena mbaineann, sa tréimhse roimh theacht i bhfeidhm an athchóirithe ar fud an Aontais i ndáil le ríomhshonrascadh agus ríomhthuirisciú ón 1 Iúil 2030.’

### **Ráitis ón gCoimisiún**

‘Aithníonn an Coimisiún gur forbraíodh an caighdeán Eorpach don ríomhshonrascadh ar dtús lena úsáid ar idirbhearta Gnólacht le Rialtas. Tá obair á déanamh ar an gcaighdeán seo chun a chinntiú go mbeidh gach riachtanas Gnólacht le Gnó á chlúdach aige go luath. Aithníonn an Coimisiún freisin an gá atá leis an gcaighdeán sin chun na ceanglais earnálacha gnó atá ann cheana a chomhtháthú, ar ceanglais iad a bhfuil infheistíocht ollmhór déanta ag gnólachtaí Eorpacha iontu cheana féin. Roimh theacht i bhfeidhm na hoibleagáide an caighdeán Eorpach a úsáid le haghaidh na n-idirbheart uile laistigh den Aontas, déanfaidh an Coimisiún measúnú chun féachaint an bhfuil an obair sin curtha i gcóir go hiomlán agus, sa chás nach bhfuil, molfaidh sé na bearta idirtréimhseacha is gá chun sin a dhéanamh.

Chun trédhearcacht iomlán a sholáthar, baileoidh agus foilseoidh an Coimisiún faisnéis maidir le cur i bhfeidhm na heisceachta FBM, dá bhforáiltear in Airteagal 28a (4).

### **Ráiteas ón Spáinn**

‘Tacaíonn an Spáinn leis an gcur chuige ginearálta a léirítear sa togra maidir le samhail an tsoláthróra mheasta dá bhforáiltear in Airteagal 28a de Threoir 2006/112/CE (an Treoir maidir le CBL). Dearbhaíonn sí, áfach, go bhfuil sí toilteanach samhail den chineál sin a chur i bhfeidhm roimh dháta theacht i bhfeidhm na forála seo, mar bheart simpliúcháin a mhéid a bhaineann le bailiú CBL agus mar bhealach chun feabhas a chur ar chomhrac na calaoise i dtaca le CBL, mar a fhoráiltear in Airteagal 395 den Treoir maidir le CBL.’